

兗州府志

〔明〕于慎行 編
明萬歷二十四年刻本

第二冊



〔明〕于慎行 編
明萬曆二十四年刻本

兗州府志

第二冊

齊魯書社 影印

兗州府志卷之九

郡人于慎行編

國紀志

敘曰先王建邦設侯疆理天下虞夏商周之制可
考鏡也漢晉以下食其土而無政隋唐以下繫之
名而無土然而王公之號列焉正名定分以戴天
子亦猶行古之道也故備紀之云爾列國斷自春
秋何也曰千八百國至於周衰疆弱相併或改而
爲邑或墟而爲社不可復志矣故以春秋始也先
魯何也曰兗之所宅也曹滕薛邾在境土之中以
次附焉宋衛齊楚之疆兗之四境及之不列何也

曰其都邑不在焉齊都臨淄楚都壽春宋都商丘
衛都濮陽皆非充土也封內城邑附麗四境不足
以國當之也漢以下亦然以濟北之都盧而有其
南境以城陽之都莒而有其西境以楚之都彭城
而有其西北以泗水之都沛而有其東北梁都定
陶則紀都睢陽則不紀琅瑯都開陽則紀都東武
則不紀皆以其立社爲主而不以邑分其國也維
郡亦然泰山治奉高其南境在郡東郡治濮陽其
東境在郡皆弗紀也曰漢唐以下不載公侯何也
曰諸侯王子弟分封辟諸列國敘在公族矣功臣

剖符定封食租衣稅多不之國或但有其名無與
提封紀之誣也且夫城邑分屬代有更易銖稱寸
度誤漏必多非如王國之名昭然可考載亦不能
作國紀志

春秋列國

魯

姬姓侯爵文王第四子周公旦之封也周公佐
武王定商受封於魯留相周室命爲太宰武王

既崩成王嗣立在襁褓之中不能蒞阼周公攝政
卒相成王命元子伯禽代就封於魯都曲阜少昊
之墟地方七百里周公謂伯禽曰我文王之子武
王之弟成王之叔父我於天下亦不賤矣然我一
沐三握髮一食三吐哺猶恐失天下士子之魯國
慎毋以國驕人伯禽之國變其俗革其禮三年報
政是時淮夷徐戎並興爲亂東郊不開伯禽率師
伐之於費作誓遂平徐戎定魯國康王之世伯禽

與晉侯燹齊侯伋衛康伯年並事康王在位四十
六年卒子曾立是爲考公考公四年卒弟熙立是
爲煬公煬公築茅闕門六年卒子宰立是爲幽公
幽公十四年弟潰殺之而自立是爲魏公魏公立
五十年卒子擢立是爲厲公厲公立三十七年卒
魯人立其弟具是爲獻公獻公立三十二年卒子
湏立是爲慎公慎公立三十年卒弟敖立是爲武
公武公與長子括少子戲西朝周宣王王愛戲欲
立爲魯太子樊仲山甫諫曰廢長立少不順天子
建諸侯立其少是教民逆也宣王弗聽卒立戲爲
魯太子是爲懿公懿公立九年兄括之子伯御弑
懿公而自立宣王伐而誅之問魯公子能道訓諸
侯者以爲魯後樊穆仲舉懿公弟稱王乃立於夷
宮是爲孝公孝公立三十七年卒子弗湮立是爲
惠公惠公在位四十六年惠公賤妾聲子生子息長娶
於宋宋女至而美惠公奪而娶之生子允登宋女
爲夫人以允爲太子及惠公卒允少魯人立息攝
政是爲隱公隱公在位十一年公子翬弑之于鍾巫而
立允是爲桓公桓公十八年與夫人如齊齊君通
馬使公子彭生乘公公薨於車子同立是爲莊公

莊公有三弟長曰慶父次曰叔牙次曰季友莊公夫人哀姜無子其娣叔姜生子開莊公築臺臨黨氏見孟女而愛之生子般莊公立三十二年將薨叔牙欲立慶父公子季友立般公薨子般卽位慶父與哀姜私通欲立其娣子開遂殺般而立開是爲湣公湣公二年哀姜欲立慶父復殺湣公季友乃以齊師奉湣公弟申入立是爲釐公季友號爲成季其後爲季氏慶父後爲孟氏叔牙爲叔孫氏此三桓之始也僖公旣立季友爲相遵伯禽之法選賢任能貶食省用務農重穀脩兵革治牧圉新泮宮闕宮史克作詩頌之在位三十三年卒子與立是爲文公文公立十八年卒公長妃哀姜生子惡及視次妃敬嬴嬖生子倭倭私事公子遂遂殺惡及視而立倭是爲宣公魯由此公室卑三桓強宣公立十八年卒子黑肱立是爲成公成公立十八年卒子午立是爲襄公三分公室三桓各有其一在位三十一年薨魯人立齊歸之子稠是爲昭公季氏郈氏相侵以難告公公伐季氏三家遂共伐公公出奔齊已而入晉卒於乾侯在位凡三十二年魯人立公弟宋是爲定公定公五年陽虎欲

去三桓不克敗而奔齊十年孔子爲魯司寇攝行
相事與齊侯會于夾谷季桓子受齊女樂孔子去
魯定公立十五年卒子蔣立是爲哀公孔子自衛
反魯西狩獲麟其後公患三桓之侈欲以諸侯去
之三桓攻公公奔于越國人迎公復歸卒于有山
氏子寧立是爲悼公是時三桓益強魯如小侯界
於三桓之家悼公立三十七年卒子嘉立是爲元
公元公二十一年卒子顯立是爲穆公穆公以公
儀休爲相子柳子思爲臣嘗敗齊師於平陸在位
三十三年卒子奮立是爲共公公立二十二年
卒子也立是爲康公康公立九年卒子匭立是爲
景公景公立二十九年卒子叔立是爲平公平公
立二十二年卒子賈立是爲文公文公立二十二
年卒子讎立是爲頃公頃公立二十四年楚考烈
王伐滅魯頃公亡遷于卞爲家人卒于柯魯自周
公至頃公凡三十四世一按漢永平二年詔天下
學校皆祀周公孔子唐武德二年詔國學立廟以
周公爲先聖孔子爲先師歲時致祭如禮顯慶二
年太尉長孫無忌等議周公制禮作樂功比帝王
請改令周公仍依別禮配享武王廟制可其請宋

太中祥

年

真宗幸曲阜謁周公舊廟祀以太

牢有詔追封文憲王於舊基之上重建新廟長吏

以春秋秩祀又訪求其後東野氏數世同居詔表

其門本朝成化二十二年有詔頒降祝文令有

司每歲奉祀如禮仍令重修廟庭置灑掃廟戶正

德三年始置祭田祭器仍給其後裔東野氏衣冠

奉祀自此以後撫按官相繼恢廓廟制

曹

姬姓伯

大備祭用春秋仲月曲阜縣官奉祀

子叔振鐸之封也武王已克殷紂而封叔振鐸於

曹振鐸卒子太伯腓立傳五世曰夷伯喜夷伯三

十年卒弟幽伯疆立幽伯九年弟蘇殺幽伯而代

立是為戴伯戴伯三十年卒子惠伯兕立惠伯二

十五年周始東徙王室益卑在位二十六年卒子

石甫立石甫之弟武殺石甫而代立是為繆公繆

公三年卒子桓公終生立桓公五十五年卒子莊

公夕姑立莊公三十一年卒子釐公夷立釐公九

年卒子昭公班立昭公九年卒子共公襄立晉公

子重耳過曹共公不禮晉文公伐曹虜共公以歸

已又復之共公二十五年卒子文公壽立文公二

十二年卒子宣公彊立宣公十七年從諸侯伐秦

卒于師曹人使公子負芻殺世子而自立是爲成
公晉人來討執成公歸于京師諸侯將以子臧見
王而立之子臧逃奔宋明年曹人復告于晉請歸
負芻而反欣時晉侯許立臧盡致其邑與卿而不
出成公二十二年卒子武公勝立武公二十七年
卒子平公頃立平公四年卒子悼公午立悼公九
年朝宋宋囚之曹人立其弟野是爲聲公悼公死
於宋聲公在位五年弟通殺之而代立是爲隱公
隱公在位四年卒子伯陽立曹人或夢衆君子立于
社宮謀欲亡曹曹叔振鐸止之請待公孫疆許之
旦而求之曹無此人夢者戒其子曰我死公孫疆
爲政必去之及曹伯陽卽位好田弋鄙人公孫疆
好弋獲白鴈獻之且言田弋之說伯陽大說之有
寵使爲司城以聽政夢者之子乃行疆言霸說於
曹伯曹伯從之背晉而好宋宋人伐之晉人不救
宋公入曹執伯陽及疆以弔曹姓子曹顯顯帝帝玄孫
歸殺之凡二十五世國亡邾陸終之後也武王克
商封其苗裔曹挾于邾爲魯附庸傳十二世當魯
隱公元年與邾儀父盟于蔑儀父名克數從諸侯

會盟在位十六年卒子攢立攻滅須句魯人伐邾
取須句及其君焉邾人伐魯魯公卑邾不設備戰
于升陘魯師敗績邾人獲僖公胄縣諸魚門攢在
位十二年卒子遽蒞立是爲文公文公卜遷於繹
史曰利於民不利於君文公曰苟利於民孤必與
焉遷也吉莫如之遂遷於繹五月文公卒文公元
妃齊姜生攢且二妃晉姬生捷菑於是邾人立攢
且是爲定公捷菑奔晉晉人以師納之不克魯人
伐邾取繹定公在位四十年卒子桎立是爲宣公
宣公卽位之歲往朝於魯其後伐魯南鄙魯告於
晉晉執宣公於會宣公十八年卒子華立是爲悼
公悼公復伐魯晉執悼公遂取邾田歸魯悼公十
五年卒子穿立是爲莊公莊公三十三年怒夷射
姑執之弗得自投於床廢於鑪炭爛遂卒子益立
是爲隱公魯伐邾茅成子請告于吳邾子不許曰
魯擊柝聞於邾吳二千里何及於我成子以茅叛
師遂入邾處其公宮以邾子益來獻於亳社囚諸
負瑕邾茅夷鴻請救於吳吳子從之遂克東陽而
進舍于庚宗次于泗上取盟而還魯歸邾子邾子
又無道吳使太宰子餘討之囚諸樓臺梏之以棘

使諸大夫奉太子革爲政是爲桓公已而隱公自齊奔越曰吳爲無道執父立子越人歸之於邾桓公奔越隱公又無道越人執之以歸而立公子何何子革弟也其後改號爲鄒其君曰穆公嘗與魯閔已而爲楚所滅國滕姬姓侯爵文王第十四子在鄒縣南二十五里滕叔繡之後也武王克商封之於滕傳十有六世至滕侯穀當魯隱公七年始入春秋穀卒嬰齊立是爲宣公宣公與薛朝魯爭長隱公使羽父請於薛侯曰周之宗盟異姓爲後願以滕君爲請乃長滕侯齊桓公伯盟中國滕不與會者三十有七年魯僖十有九年宋人執滕宣公以其服屬於楚也宣公之後爲孝侯輒孝侯之後爲昭公元昭公嘗朝於魯昭公卒子文公壽立恃晉而不事宋宋師伐之文公之後爲成公原會魯襄公之葬情而多涕子服惠伯曰滕君將死矣怠於其位而哀已甚兆於死所矣能無從乎歸三年而卒魯使仲弓如滕葬之成公之子爲悼公寧數從晉楚之會在位十五年卒子頃公結立來朝於魯結卒隱公虞母立其四年西狩獲麟春秋以後爲定公文公使然友之鄒問孟子喪禮又五世

為楚所滅

地在滕縣西

薛

任姓侯爵黃帝之後奚仲所封也奚仲為夏車

十五里俗呼滕西

城

正大夫十二世孫仲虺為湯左相武王克商復封其後於薛當魯隱公十一年獻侯穀始朝於魯與滕爭長隱公使羽父請於薛侯乃長滕侯獻侯之後為襄公定當魯襄昭之世數從諸侯會盟魯定公元年晉魏合諸侯將城成周宋仲幾不受功曰滕薛卿吾役也薛宰曰薛之皇祖奚仲居薛以為夏車正奚仲遷于邳仲虺居薛以為湯左相若復舊職將承王官何故以役諸侯晉乃執仲幾以歸其後薛公比為國人所弑公比之後為惠公夷五年西狩獲麟後為齊所滅田嬰封焉自仲虺自愍侯凡六十四世也

在滕縣南薛城

小邾

曹姓子爵與邾同出邾挾之後夷父顏有功於周周

封其子友於邾友之後為邾黎來始朝於魯其後從齊桓公會盟桓公請於天子進爵為子始列諸侯謂之小邾當魯襄昭之世小邾穆公數從晉會諸侯穆公朝魯季武子欲卑之穆叔曰不可曹滕二邾實不忘我好敬以逆之猶懼其貳又卑一睦焉逆羣好也如舊而加敬焉季孫從之他日又朝

魯公與之宴季平子賦采菽穆公賦菁菁者莪昭
子曰不有以國其能久乎魯哀公四年宋人執小
邾子以其無道於民十四年小邾大夫繹以句繹
奔魯穆公之後有惠公見於史惠公以下六世爲
楚所滅今麻縣東
邾已姓子爵少皞之後也當魯
宣公四年與莒有郕魯及齊
侯平莒及邾莒人不肯魯伐莒取向魯成公七年
吳伐邾邾成文子曰中國不振旅蠻夷入伐而莫
之恤無弔者也夫詩曰不弔昊天亂靡有定其此
之謂乎其上不弔其誰不受亂吾亡無日矣君子
曰知懼如是斯不亡矣魯成公九年晉士燮聘于
魯言伐邾也以其事吳故魯賂之使緩師范文子
不可曰君命無二失信不立禮無加貨事無二成
君後諸侯是寡君不得事君也燮將復之季孫懼
使宣伯帥師會晉人齊人邾人伐邾魯昭公十七
年邾子朝魯公與之宴叔孫昭子問焉曰少皞氏
鳥名官何也邾子曰吾祖也我知之昔者黃帝氏
以雲紀故爲雲師而雲名炎帝氏以火紀故爲火
師而火名共工氏以水紀故爲水師而水名太昊
氏以龍紀故爲龍師而龍名我高祖少皞摯之立

也鳳鳥適至故紀於鳥爲鳥師而鳥名自顯項以
來不能紀遠乃紀於近爲民師而命以民事則不
能故也仲尼聞之見於郊子而學之旣而告人
曰吾聞之天子失官學在四夷猶信鄆今鄆城鄆
姒姓子爵夏少康少子曲烈所封也周幽王末申
侯與鄆人召西夷犬戎攻王驪山下殺之當僖公
之世季姬爲鄆夫人來寧于魯公怒鄆子之不朝
止季姬鄆子入朝於魯其後鄆病於淮夷齊會諸
侯城鄆不果而還宋襄公會於南曹使邾文公用
鄆子于次睢之社欲以屬東夷司馬子魚曰古者
六畜不相爲用小事不用大牲而况敢用人乎齊
桓公存二亡國以屬諸侯義士猶曰薄德今一會
而虐二國之君將以求伯不亦難乎魯宣公十八
年邾人戕鄆子於鄆魯哀公四年公如晉聽政因
請屬鄆晉侯不許孟獻子曰以寡人之密邇於仇
讎而願固事君無失官命鄆無賦於司馬爲執事
朝夕之命敝邑敝邑褊小闕而爲罪寡君是以願
借助焉晉侯許之其年邾人鄆人伐鄆魯臧紇救
鄆侵邾敗于狐駘明年魯穆叔覲鄆太子巫于晉
以成屬鄆明年莒人滅鄆晉人以鄆故討魯曰何

故亡鄆季武子如晉見且聽命八年莒人伐魯東
鄙以疆鄆田魯昭公四年魯人取鄆於莒鄆太子
巫奔魯請屬魯魯為大夫是為曾氏杜預曰宿風姓

地在卑鄆縣今在縣西南舊土城是也太皞之後武王封之使主太皞與有濟之祀魯隱
公元年盟于宿莊公十年宋人遷宿通考曰國在

東平無鹽縣今鄆州須城縣是也按高氏稱宿介
宋魯之間屬於宋而親魯故遷之則宿當在府之

南境矣而東平之宿在府北境與齊為隣去宋甚遠宋安得遷之也此必有誤州姜桓公

五年州公如曹度其國危遂不復六年自曹來朝書曰寔來不復其國也國在定陶遂不詳

所出莊公十三年齊侯會諸侯于北杏以平宋亂
遂人不至夏齊侯滅遂而戍之十七年遂因氏領

氏工婁氏須遂氏饗齊戍醉而殺之齊人殲邾邾姬

馬通考曰國在濟北蛇丘縣今在平陰縣界伯爵周文王第五子叔武之後也武王克商封於

邾魯隱公五年邾人侵衛衛師入邾莊公八年魯
師齊師圍邾邾降于齊師文公十一年邾太子朱

儒自安於夫鍾國人弗順明年邾伯卒邾人立君

太子以夫鍾與郕邾來奔公以諸侯迎之故書曰郕伯來奔

杜預曰地在東平剛父縣西南有郕鄉

今按上北三十里按孔墮三都成爲孟氏之邑

獨不肯墮地正在此意郕旣入魯爲大夫邑也

須風姓子爵太皞之後也魯僖公二十一年邾人

滅須句須子奔魯因郕風也二十二年伐邾取

須句反其君焉後復爲邾所滅魯再取之邾文公

子叛在魯魯使爲須句大夫居焉

通考國在東平

而取須句也沂費之間亦有須句遺迹或當近之

偏陽姁姓子爵陸終之後也魯襄公十年晉會諸

侯于租荀偃士句請伐偏陽而封宋向戌焉

荀瑩曰城小而固勝之不武弗勝爲笑固請丙寅

圍之弗克孟氏之臣秦董父輦重如役偏陽人啓

門諸侯之士門焉縣門發聊人紇挾之以出門者

狄虎彌建太車之輪而蒙之以甲爲櫓左執之又

拔戟以成一隊孟獻子曰詩所謂有力如虎者也

主人縣布董父登之及堞而絕之隊則又縣之蘇

而復上者三主人辭焉乃退帶其斷以徇於軍三

日諸侯之師父於偏陽荀偃士句請於荀瑩曰水